

Cussegl pastoral: Rapport dalla presidenta 2018

- Nies onn da lavur ha entschiet cun igl apero da dumengi'alva, 5 premcommunicants han astgau fetivar la fiasta dall'emprema s. Communiun. Nossa calustra Gabi, ensemen cun Isabelle e Gusepina, han ornau grondiusamein nossa baselgia parochiala, in cordial engraziament ad ellas persuenter.
- La s. messa cun uncziun dil s. ieli ei vegnida celebrada ils 17 d'avrel. Sco usitau havein nus offeriu suenter messa caffè e petta ell'ustria digl Ischi. Alla Marianna ed agl Otti in engraziel fetg persuenter.
- Las perdanonzas havein nus astgau guder tuttas da bial'aura. Mo cun la messa campestra ha s. Pieder buca manegiau bein cun nus e fatg in streh atras il quen. Quei di ei la prognosa stada ualti schliata e nus havein aschia buca giu la curascha da menar atras ella.
- Da sogn Martin, ils 11 da november, havein nus menau atras il di da suppa. La sala ei senplenida mo plaunet ed aschia che nus essan stai in tec trumpai da far ina aschi gronda lavur e mo paucs che prendan part. Mäggi Della Valle ei stada pronta da presentar en baselgia, sco era en la sala duront il suentermiezdi il project dalla baselgia barschada giu a San Judas Tadeo en sia patria nativa en Chile. Las fotografias han mussau che nossa donaziun va segir el dretg liug. Nus havein astgau surdar a Mäggi la biala summa da **Fr. 2'200.--** per il project. A Mäggi in grond engraziel fetg per la presentaziun.
- La s. messa da Nadal cun la collaboraziun dils affons ha carmelau ina baselgia fulenada a Zignau. In grond engraziel fetg ad Isabelle per sia lavur ch'ella fa cun igl agid da Rilana Cadruvi e Clau Scherrer.
- Nossa viseta en casa s. Martin havein nus fatg uonn ils 25 da schaner. Isabelle ei vegnida cun ils affons ed han prelegiu ina biala historia ch'ils cussadents han tedlau fetg bugen. Era ils bials aunghels ch'ils affons han zambergiau e reparti ad els han ei schazegiau fetg.
- L'emprem gada havein nus fatg ina tscheina d'engraziament per tut ils commembers dil cussegl pastoral. Jeu creiel che quella pintga paga han ei segir meritau.
- Jeu engraziel a sur Tomasz ed a tuttas collegas e collegs dil cussegl pastoral per tut la buna lavur prestada per la cuminonza da nossa pleiv.

Trun, mars 2019

Vossa presidenta
Cristina Derungs – Lutz